

"UMS SERTAI KAYUHAN JUTAAN BELIA, HARI BELIA NEGARA PUTRAJAYA 2012"

Disediakan oleh Cik Norhana Bte Nordin



Sambutan Hari Belia Negara adalah merupakan suatu pengiktirafan tertinggi Kerajaan terhadap sumbangan golongan muda. Matlamat untuk menjadikan Malaysia sebagai negara maju menjelang tahun 2020 boleh dicapai sekiranya generasi muda di negara ini memiliki daya kreativiti yang tinggi dan pemikiran yang inovatif. Kejayaan Hari Belia Negara 2011 telah mempamerkan tenaga belia yang berpotensi untuk digemblengkan ke arah mencapai transformasi dan kesejahteraan negara.

Misi sambutan pada kali ini ialah Hari Belia Negara – Himpunan Jutaan Belia– Putrajaya Mei 2012 mensasarkan seramai 2 juta orang belia mengunjungi Putrajaya dalam masa 5 hari (23-27 Mei 2012) dengan melaksanakan 500 acara melibatkan agensi kerajaan, swasta dan NGO.

Selain YAB Perdana Menteri, Sambutan HBN 2012 turut melibatkan penyertaan dan penglibatan Menteri-Menteri Kabinet dan Timbalan-Timbalan Menteri termasuk YAB Timbalan Perdana Menteri. Himpunan besar-besaran ini adalah merupakan acara kemuncak kepada perayaan Hari Belia Negara 2012. YAB Perdana Menteri telah hadir pada 26 Mei 2012 jam 3.00 petang dan acara ini akan berlangsung di Putrajaya. YAB Perdana Menteri telah melancarkan Himpunan Jutaan Belia - Putrajaya 2012 dan penyampaian Anugerah Perdana Belia Negara 2012.

Antara Program yang disertai oleh pihak UMS ialah Program Kayuhan Jutaan Belia. Dimana, program ini diwujudkan bagi menyemarakkan lagi sambutan Hari Belia Negara 2012 yang telah menghimpunkan belia untuk berbasikal di setiap negeri dan akan disambut kayuhan di Putrajaya. Tiga orang pelajar UMS yang menyertai iaitu Fazrie Ramalan, Morsidy Bin Abdul Nasir dan Adizan Bin Sabdar diiringi oleh Cik Norhana Bte Nordin selaku Pegawai Pengiring dari Jabatan Hal Ehwal Pelajar, UMS.

Antara objektif program ini ialah membawa MBM kepada belia dengan lebih santai di mata masyarakat, meningkatkan

penglibatan belia dalam perhimpunan jutaan belia 2012, menjadi platform untuk membuat mapping belia berbasikal dan menyebarkan mesej hidup sihat dan disiplin di kalangan belia. Program Kayuhan Jutaan Belia ini telah diadakan pada 25-26 Mei 2012 di Dataran Putrajaya. Kayuhan ini melibatkan jarak sejauh 20-25 km sekitar Putrajaya dimana ianya bermula di Pinggiran Putra dan berakhir di tapak perkhemahan yang telah ditetapkan. Hampir Seribu peserta kayuhan telah terlibat sama dalam menjayakan program ini.

